



Peter Olsen
Inatsisartunut ilaasortaq, Inuit Ataqtigiit

Inatsit Aangajaarniutit pillugit § 37 naapertorlugu apeqqummut 257/2019-mut akissut

02.08-2019
Sags nr. 2019 - 16985
Akt nr. 11237992

Asasara Peter Olsen,

Postboks 1160
Tlf: 34 50 00
Fax: 34 55 05
3900 Nuuk

Inatsisartut suleriaasianni § 37, imm. 1 naapertorlugu peqqissutsimut suliassaqarfimmi inatsisit atuuttut pillugit apeqqutinik nassiussisimavutit. Apeqqutiit uannut akisassatut innersuunneqarput. Apeqqutiit ataani uteqqinneqarput ataasiakkaarlugillu akineqarlutik:

www.naalakkersuisut.gl

Apeqquut 1: Ulloq 1. januar 1992-mi peqqinnissaqarfiup Kalaallit Nunaannit oqartussaaffigineqalernerani ikiaroorniutit pillugit inatsisiliornissamut pisinnaatitaaffik nunatsinnit oqartussaaffigineqalerpa?

Akissut:

Aap. Peqqinnissaqarfiup 1992-imi Kalaallit Nunaannit oqartussaaffigilerneqarnerani aangajaarniutit pillugit inatsisiliornissamut pisinnaatitaaffik Kalaallit Nunaata tiguaa. Tamanna Kalaallit Nunaanni peqqinnissaqarfik pillugu inatsit nr. 369, 6. juni 1991-imeersumi § 1-imi ersepoq. Inatsimmi qulaani taaneqartumi § 4, imm. 4 ima allassimavoq *"Peqqinnissamut ministeriaqarfiup suliassaqarfiata iluani inatsisit, inatsisip atulernerani Kalaallit Nunaanni atuutilersut, atuutiinnassasut, Kalaallit Nunaanni Namminersornerullutik Oqartussat malittarisassanik atulersitaannit atorunnaarsinneqarnissaata tungaanut."*

Apeqquut 2: Taamaangippat: Ikiaroorniutit pillugit nalunaarutip allangortinneqarnera pillugu nalunaarut nr. 665, ulloq 1. juni 2018-meersoq Kalaallit Nunaanni atuuppa?

Akissut:

Naamik. Nalunaarut nr. 665, 1. juni 2018-imeersoq Kalaallit Nunaanni atuutinngilaq. § 37 tunngavigalugu apeqqummut 217/2019-imut akissummut innersuussisoqarpoq. Akissummi tassani ersepoq, Naalakkersuisut Kalaallit Nunaanni aamma Danmarkimi oqartussaasunik attuumassuteqartunik oqaloqateqartut, THC-ip 0,2 %-iusumik minnerpaaffilerneqartumik akuerisaasumik eqqussisinnaalernissaq siunertaralugu, nalunaarut nr. 665, 1. juni 2018 naapertorlugu Danmarkimi eqqunneqartuq malillugu. Minnerpaaffimmik killiliineq, Inatsisartut inatsisaat nutaaq naapertorlugu atulersinneqartumik nalunaarutikkut eqqunneqarsinnaavoq

Inussiarnersumik inuulluaqqusillunga

Martha Abelsen